

სსიპ - ივანე ჯავახიშვილის სახელობის თბილისის სახელმწიფო უნივერსიტეტში
რეზიდენტურის ალტერნატიულ დიპლომისშემდგომ საგანმანათლებლო
პროგრამებზე სპეციალობის მაძიებელთა სასწავლო პროცესის მარეგულირებელი
წესი

**1. თსუ-ის რეზიდენტურის ალტერნატიულ დიპლომისშემდგომ საგანმანათლებლო
პროგრამებზე სპეციალობის მაძიებელის სტატუსის მინიჭება**

1. საქართველოს მოქალაქეებისათვის თსუ-ის რეზიდენტურის ალტერნატიულ დიპლომისშემდგომ საგანმანათლებლო პროგრამებზე სპეციალობის მაძიებელის სტატუსის მოპოვების საფუძველია ერთიანი დიპლომისშემდგომი საკვალიფიკაციო გამოცდების შედეგები.
2. თსუ-ს რეზიდენტურის ალტერნატიულ დიპლომისშემდგომ საგანმანათლებლო პროგრამებზე სპეციალობის მაძიებელის ჩარიცხვა ხორციელდება თსუ-ის რეზიდენტურის ალტერნატიულ დიპლომისშემდგომ საგანმანათლებლო პროგრამებზე მიღების წესის შესაბამისად.
3. სპეციალობის მაძიებელის შემესტრული რეგისტრაცია ხორციელდება ორ ეტაპად: ადმინისტრაციული – ბანკში სწავლის საფასურის გადახდით და აკადემიური (საგნობრივი) - „სასწავლო პროცესის მართვის სისტემის“ საშუალებით.
4. წინამდებარე წესის მე-4 მუხლით გათვალისწინებული შემთხვევების შედეგად, თუ სპეციალობის მაძიებლის სტატუსის შეწყვეტა მოხდა სწავლის დაწყებიდან არაუმეტეს 1 თვის ვადაში, სპეციალობის მაძიებლის/მაძიებლების ჩარიცხვა გამონთავისუფლებულ ადგილზე / ადგილებზე განხორციელდეს დარჩენილი კონკურსანტებიდან სარეიტინგო ქულების მიხედვით, ივანე ჯავახიშვილის სახელობის თბილისის სახელმწიფო უნივერსიტეტში რეზიდენტურის ალტერნატიულ დიპლომისშემდგომ საგანმანათლებლო პროგრამებზე (პროფესიული მზადება) ჩარიცხვის წესის (რექტორის ბრძანება №80/01-01 09.09.2010) შესაბამისად, დარჩენილი კონკურსანტებიდან სარეიტინგო ქულების მიხედვით.

2. თსუ-ში გადმოყვანის წესით ჩარიცხვა

1. თსუ-ში სპეციალობის მაძიებელის გადაყვანის წესით ჩარიცხვა ხორციელდება: საქართველოს შრომის, ჯანმრთელობის და სოციალური დაცვის მინისტრის 2009 წლის 8 აპრილის №135/6 “რეზიდენტურის ალტერნატიულ დიპლომის შემდგომ განათლებაში (პროფესიულ მზადებაში) მონაწილეობის, მისი წარმართვის და შეფასების წესისა და იმ სამედიცინო დაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომის შემდგომი განათლების (პროფესიული მზადების) კურსის გავლა”.
2. გადაყვანის წესით ჩარიცხვის უფლება აქვს სპეციალობის მაძიებელს, რომელიც სწავლობს საქართველოს შრომის, ჯანმრთელობისა და სოციალური დაცვის სამინისტროს პროფესიული განვითარების საბჭოს მიერ აკრედიტებულ დაწესებულება/სასწავლებელში ან იმ უცხო ქვეყნის/ოკუპირებული ტერიტორიის სპეციალობის მაძიებელს, რომლის პროგრამა და შედეგები აღიარებული იქნება საქართველოს შრომის, ჯანმრთელობისა და სოციალური დაცვის სამინისტროს პროფესიული განვითარების საბჭოს მიერ.
3. მობილობა შესაძლებელია განხორციელდეს რეზიდენტურის ალტერნატიულ დიპლომის შემდგომ საგანმანათლებლო პროგრამის ფარგლებში კალენდარული წლის განმავლობაში ორჯერ, თსუ-ის მიერ დარეგისტრირებულ და გამოქვეყნებულ ვაკანტურ ადგილებზე.
4. მობილობის უფლება სპეციალობის მაძიებელს თსუ-ის რეზიდენტურის ალტერნატიულ დიპლომის შემდგომ საგანმანათლებლო პროგრამებზე აქვს სწავლების ნებისმიერ ეტაპზე.
5. გადაყვანის წესით სპეციალობის მაძიებელის ჩარიცხვის შემთხვევაში მიმღები ფაკულტეტის დეკანისა და თსუ-ის რეზიდენტურის ალტერნატიულ დიპლომის შემდგომ საგანმანათლებლო პროგრამის ხელმძღვანელის წერილობითი მოტივირებული გადაწყვეტილებით დგინდება სპეციალობის მაძიებელის მიერ ათვისებული პროგრამისა და თსუ-ს პროგრამის თავსებადობა და აღიარება.

3. სპეციალობის მაძიებელის სტატუსის შეჩერება:

1. სპეციალობის მაძიებელის სტატუსის შეჩერების საფუძველია:
 - ა) ადმინისტრაციული რეგისტრაციის გაუწვდელია;
 - ბ) სისხლის სამართლის პასუხისგებაში მიცემა განაჩენის კანონიერ ძალაში შესვლამდე;

გ) ავადმყოფობა, თუ დოკუმენტურად დასტურდება სპეციალობის მაძიებლის უუნარობა.

დ) ორსულობა, თუ დოკუმენტურად დასტურდება ორსულობის პათოლოგიური მიმდინარეობა.

ე) სავალდებულო სამხედრო სამსახურში გაწვევა;

ვ) უცხო ქვეყანაში უმაღლეს საგანმანათლებლო დაწესებულებაში სწავლა;

2. ამ მუხლის პირველი პუნქტის „გ“, „დ“, „ე“ და „ვ“ ქვეპუნქტების საფუძველზე სტატუსის შეჩერების მოთხოვნით სპეციალობის მაძიებელმა განცხადებით უნდა მიმართოს თსუ-ის რექტორს.

3. სპეციალობის მაძიებლის სტატუსის შეჩერების მაქსიმალური ვადა განისაზღვრება შესაბამისი სარეზიდენტო პროგრამის ხელმძღვანელის მიერ საქართველოს შრომის, ჯანმრთელობის და სოციალური დაცვის მინისტრის 2009 წლის 8 აპრილის №135/ნ ბრძანებით “რეზიდენტურის ალტერნატიულ დიპლომის შემდგომ განათლებაში (პროფესიულ მზადებაში) მონაწილეობის, მისი წარმართვის და შეფასების წესისა და იმ სამედიცინო დაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომის შემდგომი განათლების (პროფესიული მზადების) კურსის გავლა”).

4. სტატუსის შეჩერების შემთხვევაში სპეციალობის მაძიებელი სწავლას აგრძელებს შესაბამისი პროგრამის ხელმძღვანელის მიერ განსაზღვრული გეგმა-გრაფიკის მიხედვით.

4. სპეციალობის მაძიებლის სტატუსის შეწყვეტა:

1. სპეციალობის მაძიებლის სტატუსის შეწყვეტის საფუძველია:

ა) საგანმანათლებლო პროგრამის დასრულება მოცემულ საფეხურზე;

ბ) რეზიდენტურის ალტერნატიულ დიპლომის შემდგომ საგანმანათლებლო პროგრამაზე შესაბამისი პროგრამის ხელმძღვანელის მიერ განსაზღვრული ვადის გადამეტება;

გ) კანონიერ ძალაში შესული გამამტყუნებელი განაჩენი მძიმე, ან განსაკუთრებით მძიმე დანაშაულის ჩადენისთვის;

დ) პირადი განცხადება;

ე) რეზიდენტურის ალტერნატიულ დიპლომის შემდგომ საგანმანათლებლო პროგრამაზე სწავლება პარალელურად საქართველოს სხვა უმაღლეს/სამედიცინო დაწესებულებაში.

ვ) შესაბამისი პროგრამის მოთხოვნების შეუსრულებლობა ამ წესის მე-8 მუხლის მე-2 პუნქტში განსაზღვრულ ვადებში;

ზ) „ივანე ჯავახიშვილის სახელობის თბილისის სახელმწიფო უნივერსიტეტის ეთიკის კოდექსით“, „ივანე ჯავახიშვილის სახელობის თბილისის სახელმწიფო უნივერსიტეტის შინაგანაწესითა და დისციპლინური პასუხისმგებლობის

ნორმებით“ გათვალისწინებული შეუთავსებელი ქმედების განხორციელება, ფაკულტეტის საბჭოს გადაწყვეტილების საფუძველზე.

თ) გარდაცვალება;

5. თსუ-დან გარიცხული/ამორიცხული სპეციალობის მაძიებლის აღდგენის წესით ჩარიცხვა:

1. სპეციალობის მაძიებლის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.
2. სპეციალობის მაძიებლის აღდგენის შემთხვევაში, სწავლის გაგრძელების დასაშვები ეტაპი განისაზღვრება შესაბამისი პროგრამის ხელმძღვანელის მიერ შედგენილი გეგმა-გრაფიკის მიხედვით.

6. თსუ სპეციალობის მაძიებლის უფლება-მოვალეობები

1. სპეციალობის მაძიებელს უფლება აქვს:

ა) მოითხოვოს შესაბამისი სამუშაო პირობებით (ხელშეკრულებით განსაზღვრული პირობები) უზრუნველყოფა: კვალიფიციური ხელმძღვანელი, თანამედროვე კლინიკური და საინფორმაციო/საკომუნიკაციო ტექნოლოგიები, სამუშაო ოთახი;

ბ) მონაწილეობდეს რეზიდენტურის ალტერნატიულ დიპლომის შემდგომ საგანმანათლებლო პროგრამით გათვალისწინებული სასწავლო პროცესის დაგეგმვასა და შეფასებაში.

გ) მზადების პროცესთან დაკავშირებული პრობლემების შესახებ აცნობოს თსუ-ის მედიცინის ფაკულტეტის ხელმძღვანელობას.

2. სპეციალობის მაძიებლის მოვალეობები:

ა) შეასრულოს რეზიდენტურის ალტერნატიულ დიპლომის შემდგომ საგანმანათლებლო პროგრამით განსაზღვრული კურიკულუმი;

ბ) მის მიერ განხორციელებულ/შესრულებულ სამუშაოთა აღრიცხვის მიზნით აწარმოოს დღიური.

გ) ყოველი სასწავლო წლის ბოლოს პროგრამის ხელმძღვანელს წარუდგინოს გაწეული მუშაობის ანგარიში, გაიაროს ეტაპობრივი და შემაჯამებელი გამოცდა.

დ) დაიცვას თსუ-ის შინაგანაწესი და შეასრულოს უნივერსიტეტის განრიგით განსაზღვრული საქმიანობა.

ე) დაიცვას და შეასრულოს უნივერსიტეტთან დადებული ხელშეკრულების პირობები;

ვ) გადაიხადოს სწავლის სემესტრული საფასური ადმინისტრაციული რეგისტრაციისათვის დადგენილ ვადებში და გაიაროს აკადემიური რეგისტრაცია;

- ზ) დაიცვას ეთიკისა და ქცევის საყოველთაოდ მიღებული ნორმები;
- თ) გაუფროთხილდეს უნივერსიტეტის კუთვნილ ქონებას;

7. სემესტრული გადასახადი

1. თსუ-ში რეზიდენტურის ალტერნატიულ დიპლომის შემდგომი საგანმანათლებლო პროგრამის საფასური განისაზღვრება სემესტრული გადასახადით შესაბამისი რეზიდენტურის ალტერნატიულ დიპლომის შემდგომ საგანმანათლებლო პროგრამების სასწავლო წლის ხანგრძლივობიდან და ყოველთვიური (სტომატოლოგია - 550 ლარი; რადიოლოგია - 200 ლარი და მედიცინის სხვა ყველა სპეციალობა - 150 ლარი) გადასახადიდან გამომდინარე.
2. პროგრამის საფასურის გადახდა უნდა მოხდეს თსუ-ის რექტორის მიერ გამოცემული ბრძანებით დადგენილ ადმინისტრაციული რეგისტრაციის ვადებში.
3. პროგრამის ვადის გასვლის შემდგომ მოდულის ხელმეორედ გავლის შემთხვევაში, საფასური განისაზღვრება მოდულის ხანგრძლივობის შესაბამისად;
4. იმ შემთხვევაში, როდესაც არსებობს პრეფერენციული (უფრო დაბალი, შეღავათიანი) ტარიფით გაფორმებული ხელშეკრულება, სპეციალობის მაძიებელს პროგრამით გათვალისწინებულ ვადებში უნარჩუნდება ხელშეკრულებით დადგენილი საფასურის ოდენობა;
5. სტატუსშეჩერებული სპეციალობის მაძიებელის აღდგენის შემთხვევაში სწავლის საფასური განისაზღვრება ამ მუხლის 1-ლი პუნქტით დადგენილი ტარიფით;
6. სპეციალობის მაძიებელი უფლება აქვს ადმინისტრაციული რეგისტრაციის დაწყებიდან არაუმეტეს 2 კვირის ვადაში მოითხოვოს ადმინისტრაციული რეგისტრაციის გაუქმება. აღნიშნული ვადის გასვლის შემდეგ იგი კარგავს გადახდილი თანხის დაბრუნების, ან მისი მომდევნო შემდგომში გამოყენების მოთხოვნის უფლებას;
7. ადმინისტრაციული რეგისტრაციისთვის დადგენილ ვადებში რეგისტრაციის გავლის გარეშე სპეციალობის მაძიებლის სასწავლო პროცესში თვითნებური მონაწილეობა არ წარმოშობს მის უფლებას მოითხოვოს ადმინისტრაციული რეგისტრაციის დამატებით გავლა და მიღებული მომსახურების აღიარება.

8. დამატებითი პირობები და ვადები:

1. ერთიანი დიპლომის შემდგომი საკვალიფიკაციო გამოცდის შედეგები ძალაშია 2 წლის განმავლობაში. თუ სპეციალობის მაძიებელმა აღნიშულ პერიოდში არ დაიწყო დიპლომის შემდგომი განათლება (პროფესიული მზადება) და არ გაიარა შესაბამისი რეზიდენტურის ალტერნატიულ

დიპლომის შემდგომ საგანმანათლებლო პროგრამის სულ მცირე 1 მოდული, გამოცდის შედეგები უქმდება და დიპლომის შემდგომი განათლების (პროფესიული მზადების) დასაწყებად მან განმეორებით უნდა ჩააბაროს ერთიანი დიპლომის შემდგომი საკვალიფიკაციო გამოცდა.

2. სპეციალობის მაძიებლის მიერ შესაბამისი სპეციალობის რეზიდენტურის ალტერნატიულ დიპლომის შემდგომ საგანმანათლებლო პროგრამის გავლის ხანგრძლივობა არ უნდა იყოს შესაბამის სპეციალობაში სარეზიდენტო პროგრამის ხანგრძლივობაზე ნაკლები და არ უნდა აღემატებოდეს მას 2-ჯერ. ვადის ათვლა იწყება უნივერსიტეტში პირველი მოდულის დაწყების დღიდან.
3. სპეციალობის მაძიებელმა რეზიდენტურის ალტერნატიულ დიპლომის შემდგომ საგანმანათლებლო პროგრამის შემადგენელი თითოეული მოდული უნდა გაიაროს არანაკლებ ამ მოდულის ხანგრძლივობით განსაზღვრულ ვადაში; შეუძლებელია 2 და მეტი მოდულის ერთდროულად გავლა.
4. სპეციალობის მაძიებლის ეტაპობრივი/საბოლოო უარყოფითი შეფასების შემთხვევაში, პროგრამის ხელმძღვანელმა, სპეციალობის მაძიებელთან შეთანხმებით, შეიძლება შეუდგინოს მას გეგმა-გრაფიკი და განუსაზღვროს მოდული/მოდულები, რომლებიც უნდა გაიაროს განმეორებით.
5. რეზიდენტურის ალტერნატიულ დიპლომის შემდგომ საგანმანათლებლო პროგრამა არ ჩაითვლება გავლილად, თუ განმეორებით რეზიდენტურის ალტერნატიულ დიპლომის შემდგომ საგანმანათლებლო პროგრამის 2-ჯერ მეტ ვადაში სპეციალობის მაძიებელი ვეღარ ასწრებს პროგრამის შემადგენელი მოდულის/მოდულების გავლას ან რომელიმე მოდულში/მოდულებში მიიღებს უარყოფით შეფასებას.

9. საქართველოსა და უცხოეთში გავლილი მოდულების აღიარება

თსუ-ის სპეციალობის მაძიებლის, აგრეთვე მობილობის ფარგლებში უნივერსიტეტში გადმოყვანის წესით ჩარიცხულთა მიერ საქართველოსა და უცხოეთში გავლილი მოდულების აღიარება ხდება მიმღები ფაკულტეტის დეკანისა და თსუ-ის რეზიდენტურის ალტერნატიულ დიპლომის შემდგომ საგანმანათლებლო პროგრამის ხელმძღვანელის მიერ.

10. შეფასების წესი

1. უნივერსიტეტში სპეციალობის მაძიებლისათვის შემუშავებულია შეფასების სისტემა, რომელიც მოიცავს მაძიებელთა ეტაპობრივ და საბოლოო შეფასებას და იძლევა ცოდნის, უნარ-ჩვევებისა და მიდგომების, ასევე, პრაქტიკული საქმიანობის შეფასების შესაძლებლობას.

2. სპეციალობის მაძიებლის შეფასება აისახება მის დღიურში.
3. სპეციალობის მაძიებელი ყოველი სასწავლო წლის ბოლოს პროგრამის ხელმძღვანელს წარუდგენს გაწეული მუშაობის ანგარიშს.
4. სპეციალობის მაძიებელი ვალდებულია გაიაროს შუალედური, ეტაპობრივი და საბოლოო შეფასება. შუალედური შეფასება ხორციელდება ყოველი მოდულის დასასრულს მოდულის პასუხისმგებელ პირთან; ეტაპობრივი შეფასება - სასწავლო წლის ბოლოს პროგრამის დირექტორთან გასაუბრებით, საბოლოო შეფასება პროგრამის დასრულების შემდეგ სახელმწიფო სასერტიფიკაციო ტესტების ბაზის გამოყენებით შესაბამის საექიმო სპეციალობაში. შეფასება 75%-დან - 100% ჩაითვლება დადებითად. სპეციალობის მაძიებელს, რომელიც მიიღებს შეფასებას 50%-დან 75%-მდე მიეცემა გამოცდაზე ხელმეორედ გასვლის უფლება, ხოლო 50%-ზე დაბალი შეფასებისას განმეორებით გამოცდაზე დაშვებისათვის პროგრამის ხელმძღვანელი სპეციალობის მაძიებელთან შეთანხმებით განსაზღვრავს მოდულის/მოდულების ნუსხას, რომელიც დამატებით უნდა გაიაროს სპეციალობის მაძიებელმა, სათანადო ხელშეკრულების გაფორმებით და შესაბამისი ღირებულების გადახდით.
5. სპეციალობის მაძიებელი, რომელიც არ ეთანხმება ეტაპობრივ ან შემაჯამებელ გამოცდაზე მიღებულ უარყოფით შეფასებას, უფლებამოსილია ერთი სამუშაო დღის განმავლობაში დასაბუთებული საჩივრით მიმართოს ფაკულტეტის ხელმძღვანელობას და მოითხოვოს შედეგების გადასინჯვა.
6. ფაკულტეტის ხელმძღვანელობა საჩივარს განიხილავს და გადაწყვეტილებას სპეციალურ სააპელაციო კომისიასთან ერთად იღებს 3 სამუშაო დღის განმავლობაში.
7. რეზიდენტურის ალტერნატიული დიპლომის შემდგომი (პროფესიული განათლების) პროგრამის (მოდულის) არასათანადოდ გავლის ან ტესტირებისას არადამაკმაყოფილებელი შეფასებისას პროგრამის ხელმძღვანელი სპეციალობის მაძიებელთან შეთანხმებით განსაზღვრავს მოდულის/მოდულების ნუსხას, რომელიც დამატებით უნდა გაიაროს სპეციალობის მაძიებელმა, სათანადო ხელშეკრულების გაფორმებით და შესაბამისი ღირებულების გადახდით. მოდულების დასრულებისას სპეციალობის მაძიებელი ვალდებულია განმეორებით გაიაროს შუალედური, ეტაპობრივი და საბოლოო შეფასება.
8. პროგრამით გათვალისწინებული მოდულების წარმატებით დასრულების შემდეგ და შემაჯამებელი გამოცდის ჩაბარების შემთხვევაში სპეციალობის მაძიებელს ეძლევა დიპლომის შემდგომი განათლების (პროფესიული მზადების) კურსის გავლის დამადასტურებელი სახელმწიფო მოწმობა. მოწმობას გასცემს საქართველოს შრომის, ჯანმრთელობისა და სოციალური დაცვის სამინისტროს პროფესიული განვითარების საბჭო.